

Lån av kajakkar og kajakkhengar

Informasjon, ansvar og pakkeinstruksar

Utlån av ungdomskajakkar 2023



Kajakkhengar nummer AC 8810

Ungdomskajakkane høver frå ca 9. klasse (+ 14 år)

Føreord

Friluftsrådet har tre kajakkhengarar til utlån, til to ulike målgrupper:

- 2 stk hengarar med barnekajakkar
- 1 stk hengar med ungdomskajakkar

Frå 01.01.2023 krev Friluftsrådet sin internkontroll at lærar/instruktør som har ansvar for kajakk for mindreårige er utdanna aktivitetsleiarar i padleforbundet sin våttkortstige. I ein overgangsfase kan lånetakar som er under kvalifisering gjennom kajakk i skulen prosjektet og som har demonstrert at ein kan eigenredning og kameratredning låne kajakkane.

Lånetakar pliktar å sette seg inn i dette utlånsdokumentet og friluftsrådet sin informasjon om tryggleik: «Vegleiar til nokre faremoment med kajakk»

Utlånsdokumentet er oppdatert 19.07.2023

Sunnmøre friluftsråd

Christer Lundberg Nes

Innhold

Føreord	2
Kajakkhengar	3
Bilfører sitt ansvar	3
All bruk på eige ansvar.....	3
Gratis lån med atterhald	4
Slitasje eller skade	4
Etterarbeid kan bli fakturert til lånetakar	4
Alminneleg orden	4
Flytevestane frå Regatta	5
Pakkeinstruks flytevestar.....	5
Instruks for å stroppe kajakkane på hengaren	5

Kajakkhengar

Kajakkane ligg på ein hengar med til saman 13 båtar.

Du får låne:

- Kajakkhengar nr AC 8810
- 1 Zegul Arrow play MV (ungdom/vaksne)
- 1 Zegul Arrow play HV (ungdom/vaksne)
- 8 Current Design Sirocco (ungdom/vaksne)
- 3 Current Design Storm (vaksenkajakk m/ror. Ror blir demontert etter 2023 sesongen)
- 14 årer (ei i reserve)
- 2 rumpetaske med slepeline (ca 6m)
- 1 kasteline 15m
- 2 Regatta action explorer padlevest (+ 90 kg)
- 5 Regatta action explorer padlevest (70-90 kg)
- 12 Regatta action explorer padlevest (50-70 kg)
- 4 plastbakkar til vestane (etter storleik)
- 1 plastbakk til rumpetasker, kasteline, svampar
- 2 Spruttrekk (berre til leiarane)
- 26 pakkestropper til kajakkane

*Spruttrekk følgjer **ikkje** med hengaren til vanleg utlån.*

Ynskjer du å låne spruttrekk må du gjere spesielle avtale om det.

Bilførerar sitt ansvar

Det er bilførerar sitt ansvar at ein har løyve til å køyre med kajakkhengaren i kombinasjon med bilen og sitt førarkort.

Friluftsrådet tilrår at bilførerar sjekkar Statens vegvesen sin «tilhengarkalkulator» før ein hentar kajakkhengaren. Du treng registrerings nummer til bilen du skal bruke og registreringsnummeret til kajakkhengarane som er nr AC 8810

<https://www.vegvesen.no/Kjoretoy/Eie+og+vedlikeholde/Tilhengerkalkulator>

Det er bilføraren sitt ansvar og plikt å sjå over at hengaren med kajakkar er stroppa trygt og forsvarleg før ein køyrer med den på slep.

Politiet har i teknisk kontroll gitt påbod om at kvar einskild kajakk må stroppest for seg. Gjer vel og sjå utfyllande informasjon om å stroppe kajakkane.

All bruk på eige ansvar

All lån og bruk av kajakkane er etter lånetakar sitt eige ansvar. Friluftsrådet føreset at lånetakar gjer farevurdering etter eigen og gruppa si kompetanse og ferdigheiter, og praktiserer ferd etter evne. Lånetakar pliktar å sette seg inn i friluftsrådet sin informasjon om tryggleik. (Vegleiar til nokre faremoment med kajakk)

Gratis lån med atterhald

Slitasje eller skade

Slitasjeskade som skjer gradvis på grunn av normal bruk tek friluftsrådet sjølv kostnadane med, og prøvar å halde kajakkar og utstyr i akseptabel stand.

Dersom det oppstår skade på grunn av uforsiktig/uvørden bruk, eller at lånetakar ikkje varslar friluftsrådet om skade som er oppdaga under lånet kan friluftsrådet sende krav om erstatning til lånetakar.

Etterarbeid kan bli fakturert til lånetakar

Lånetakar pliktar å følge pakke- og stroppeinstruks i denne informasjonen.

Dersom lånetakar ikkje følgjer pakke- og stroppeinstruksen kan friluftsrådet sende faktura på etterarbeid som er naudsynt for at instruksane vert følgt.

For etterarbeid vil friluftsrådet fakturere 650.- kr per påbegynt arbeidstime per person.

Alminneleg orden

Hjelp oss å halde orden på utstyret så det varar lengst mogleg!

Hengarane er utrusta med fargekode for å gjere det lett å halde orden og system.

Ungdomskajakkane er sett opp med grøn fargekode. Medan barnekajakkane er sett opp med ein raud hengar og ein gul hengar. Det er også fargekode for raskare å identifisere ulike storleikar på vestane.

Det er svært viktig at alt utstyr og kajakkar vert sortert og pakke etter si fargekode og det som skal vere med i hengaren.

- Skyl ut av kajakkane med ferskvatn dersom dei er fulle av sand og småstein.
- Etter bruk nyttar de svampane til å tørke kajakkane både i sittebrønner, men og i pakkelukene framme og bak!
- Skyl vestar i ferskvatn dersom dei er nytta i saltvatn
- Heng vestar til tørk og legg ut svampane så dei tørkar
- Lever berre tørt og reint utstyr tilbake til friluftsrådet
- I tilfelle stor etterspurnad på å få låne kajakkane kan vått utstyr som ikkje er rukke å bli tørt overleverast til neste lånetakar, under føresetnad av at den nye lånetakar tek ut og tørkar utstyret. *Utstyr må ikkje få ligge vått i hengaren!*

Eit godt tips er at ein samlar og ser over utstyret før de pakkar inn i hengarkassa:



Flytevestane frå Regatta

Alle vestane har skrittstropp og friluftsrådet oppmodar lånetakar til å passe på at ungdommane nyttar desse! Skrittstroppa kan også ligge i ei lita lomme på innsida av ryggstykket, og skal festast i spenner framme på vesten når dei er i bruk.

Skit og sand er vår største fiende i forhold til levetid på utstyret!
Gjer vel og ikkje legg vestane på sand, eller la dei ligge å slenge rundt på grus eller jord!

Dersom vestane har blitt brukt i saltvatn bør dei skyljast i ferskvatn og tørkast før dei blir levert tilbake. Unngå sand og skyl/vask eventuelt av dette.

Ikkje la våte vestar ligge innestengt i kassa – heng dei til tork til dei skal nyttast igjen.

Friluftsrådet har redningsvestar og nokre reserve flytevestar i ulike storleiker i tillegg til dei som følgjer med som standardutstyr til kajakkhengarane på lageret. Desse kan lånast etter avtale.

Pakkeinstruks flytevestar

Det er ynskjeleg at du organiserer vestane etter storleik i plastbakkane.

Med mange brukarar er det ei utfordring for friluftsrådet at vestar mister spenner under transport fordi dei ikkje er klipsa saman. For å unngå at vi mister fleire beltespenner ber vi om at du passar på å lukke alle spenner når de samlar saman vestane!

Pakkeinstruks:

- Samle inn alle vestane og sorter dei etter storleik.
- Lukk/klipse saman alle spenner!
- Prøv å samle vestane nokolunde etter storleik innover i hengarkassa.
- Returner berre tørt og reint utstyr til friluftsrådet!

Instruks for å stroppe kajakkane på hengaren



Politiet har i teknisk kontroll gitt påbod om at kvar kajakk må stroppast for seg. Det er bilføraren sitt ansvar at dette er gjort.

Det er lurt å få lavt tyngdepunkt (3+2 kajakkar på kassa) og avlaste armene på hengaren med stroppene.

Det er svært viktig at kajakkane ligg på skrå eller opp ned slik at dei ikkje kan regne fulle av vatn!

Kajakhengaren er sett opp med to sett stropper i ulike lengder og fargekoder:

- Blå – mellom lang stropp til å feste kajakk nummer 1
- Raud – lang stropp til å feste kajakk nummer 2 og evt 3



Gjer vel og hugs at kajakkane som ligg på kassa må ligge så langt bak på hengaren at ein kan sveive nasehjulet på hengaren opp og ned!

Bilda viser prinsippet for å stroppe kajakkane. Legg stroppa rundt midtstanga, begge banda over kajakkane og rundt arma eller gjennom auget.



På den første/inste kajakken vil blå stropp passe godt.

Legg stroppa rundt midtstaget. Begge stroppene over kajakkane og rundt arma. Organiser stroppa slik at du får låsen litt opp på eine sida og kan stramme stroppa ved å dra nedover/mot deg.



Raud lang stropp passar godt til kajakk nr 2 og 3

Denne måten stroppe på skal brukast fordi kvar einskild kajakk er då stroppla for seg. Stroppa held kajakkane forsvarleg på plass, og i tillegg vil stroppa hjelpe til med å halde opp last/vekt på arma og dermed motverke trøttleiksbrot i konstruksjonen.

Tips:

Start med å stroppe dei øvste kajakkane først og jobb deg nedover. Det ligg ei gardintrapp i hengaren til assistanse ved behov for å kome litt opp i høgda.

Dersom hengaren blir levert med feil bruk av stropper som ikkje sikrar kvar einskild kajakk for seg må friluftsrådet på grunnlag av politiet sitt påbod stroppe om kajakkane. Dette arbeidet sender vi rekning for til lånetakar! Pris kr 650.- per starta arbeidstime per person, og ein bør vere to personar for å handtere kajakkane....